

» proposizion solo indicada, non che comandada. Sempre quando  
 » el sovràn ha comandà, la Signoria con sollecitudine l' ha obbe-  
 » dido. Solo in sto tempo vedo ineseguidi i voleri del Mazor Con-  
 » seggio. Ma in qual argomento? Dio bon! De viveri, de ministero,  
 » de costume. El Mazor Conseggio ha comandà, el Mazor Conseg-  
 » gio no ze obbedio? E intanto seguita el monopolio, l' arbitrio delle  
 » carni, nei salumi, nei panni; e intanto quattro partidi uniti in un  
 » solo fa che tutto el soldo della dominante concorra a impinguar  
 » un vil del popolo e arrivi col sangue, coi averi dei vostri sudditi  
 » fin a nobilitarlo; e intanto oppresso el popolo piange: non vien  
 » obbedide le leggi; ze pregiudicà nei so diritti l' erario. Continua  
 » intanto senza religion, senza mestier a girar per le strade vaga-  
 » bondo el popolo, col perpetuo mal esempio sotto i occki, imbe-  
 » vendose de sentimenti de scandalo, de libidine. Ze lassada in so  
 » poter la tenera età, l' infermo, el senil deve ancora contentarse de  
 » aver per letto un ponte. El pare, oh Dio! ancora non conosce el  
 » proprio fiol; el fiol el pare; la moglie non conosce el marido. I  
 » fioli vive tutt' altro che nella paterna casa, in loghi consecrai al-  
 » l' infamia, al vizio; no i conosce, no i tratta i onesti, antichi, fe-  
 » deli domestici, i tratta solo gente iniqua del popolo. Questo ancora  
 » se frammischia col nobile, insidia l' onor delle vostre mogli, delle  
 » fiole. El ministero fa quel ch' el vol, nol ze ridotto fra certi limiti,  
 » nol serve, no se sa com' el sia pagà, no se sa gnente, se ze al-  
 » l' oscuro.

» Ma, pazienza: el tempo passà no ze richiamabile. Vintisie  
 » zorni ze passadi, e ancora el bossolo non sincero no se ze cambià  
 » in bianco? Questo certo no ze eseguir el comando: questo ze  
 » toglierghe l' autorità. Un comando ga tanto de dignità, quanto el  
 » ga de valor, e tanto el ga de valor, quanto de diligenza. Un coman-  
 » do trascurà nol ga valor, nol ga autorità, non dignità, e el spogia  
 » de poter l' imperante. Manco mal però ze el non comandar, che  
 » avendo comandà el non vegnir obbedidi. Nel primo caso la potestà  
 » non ze sfodrada; nel secondo la ze persa.